

EUSKO JAURLARITZA. Maiatzaren 31ko bileran orain arte lortutako akordioak aztertuko direla dio Imazek

Ibarretxek ez du Alderdien Mahaira ilegalizazioaren gaia eramateko asmorik

Bileran parte hartuko duela jakinarazi du Jaime Mayor Orejak

Erredakzioa | GASTEIZ

Eusko Jaurlaritzako bozemaile Josu Jon Imazek ukatu egin du Juan Jose Ibarretxe lehendakariak Batasuna lege kanpo uztearen aurkako agiririk eramango duela Alderdien Mahaiaren hurrengo bilerara. Atzo hainbat hedabidek kaleratutako informazioa ezeztatu zuen Imazek, alegia, Ibarretxek datorren maiatzaren 31ko bileran Alderdien Legearen aurkako «gaitzespen argia» eskatuko diela han bildutako alderdiei.

Eusko Jaurlaritzako bozemailearen ustez, Alderdien Mahaiaren ez da ilegalizazioaren inguruko adierazpenak egiteko foroa, horretarako Eusko Legebiltzarra baitago. Imazek gogoratu zuen Legebiltzarrek

jada «gaitzetsi» duela Batasuna lege kanpo utzi nahia, «eskubide politikoaren eta aniztasun politikoaren murrizketa delako».

Ibarretxek ilegalizazioaren gaia mahai gainean jarriko duenik ezeztatu arren, Imazek adierazi zuen lehendakariak ez duela «inolako oztoporik jarriko» bileran gai horri buruz edo beste edozein gai buruz mintzatzeko. Edonola ere, Jaurlaritzako bozemaileak azpimarratu zuen Alderdien Mahaiaren helburua dela Eudelen eta EAEko Segurtasun Batzordean lortutako akordioaren «balantzea» egitea, eta mehatxatutako kargu publikoaren segurtasuna bermatzeko etorkizunean egin beharreko urratsak aztertzea.

Imazek azaldu zuenez, Jaurlaritzak bilerara joateko gonbita

egin dien erakunde eta alderdiek —Batasuna ez du gonbidatu— «baiezko erantzuna» eman dute. Denek, Espainiako Barne Ministerioak izan ezik, oraindik ez baitu erantzun. «Ona litzateke Barne Ministerioa ere bilera joatea, segurtasuna, pertsonen askatasuna bermatzea eta mehatxatutako zinegotzien babesa guztion ardura delako», iritzi zion Imazek.

Mayor Oreja bilerara joango da

Jaime Mayor Oreja PPko legebiltzar taldeko presidentea Ibarretxek deitutako bileran izango da. Hala jakinarazi zuen atzo Mayorrek berak Gasteizen eman prentsaurrekoan. PPko buruaren iduriko «funtsezkoa eta beharrezkoa» da bilera horretan Batasunaren ilegaliza-



TXEMA FERNANDEZ / EFE
Josu Jon Imaz, atzo.

zioaren gaia jorratzea. Aitzitik, iritzi zion alderdi eta erakundeen foroa ez dela tokirik «hobere» eta gaineratu zuen ez zuela ulertzen zer dela eta oraindik «alderdi demokratikoen arteko mahai bat» ez dagoen, eta zergatik azkenaldian «nahasten diren segurtasuna politikarekin eta erakundeak alderdiekin».

Bestalde, jakinarazi zuen Espainiako Barne Ministeriotik norbait joatekotan Enrique Villar joango dela.

Ertzaintza EBko koordinazio foroetan egotea ezinbestekotzat jo du Balzak

E. Begiristain | GASTEIZ

Javier Balza Jaurlaritzako Herrizaingo sailburuaren hitzetan, «ezinbesteko erronka» da Ertzaintzak Europako Batasuneko koordinazio foroetan parte hartzea, «terrorismoaren» kontrako borroka eta «eraginkortasuna eta polizia koordinazioa» hobetzeko. Adierazpenok Eusko Legebiltzarrean egin zituen sailburuak, EBko Justizia eta Barne komisario Antonio Vitorinoren iragan otsailaren 20an izandako bileraren berri emateko.

Balzak kritikatu zuen orain arte Espainiako Gobernuak gai hori aztertzeke erakutsi duen «borondate politikorik eza». Ildo horretan, esan zuen ez dagoela «aitzakariak» Ertzaintza Schengengo Akordioan ez sartzeko.

BATASUNA. Hiru astez Euskal Herrian zehar ibiliko dira «bakearen eta autodeterminazioaren aldeko konpromisoa indarberrituz»



JON URBE / ARGAZKI PRESS

Joseba Alvarez, Karmele Aierbe, Joseba Permach, Eusebio Lasa eta Juan Joxe Petrikorena mahaikideak, atzo, aurkezpenean.

Trantsizio proposamena gizarteratzeko Forum Ibiltaria igandean abiatuko da, Donostiatik

Axun Erzibengoa | DONOSTIA

Batasunak duela bi aste aurkeztu zuen Euskal Herriako trantsizio proposamena, eta hura ezagutarazteko Forum Ibiltaria igandean abiatuko da, Donostiako Bulebarretik. Joseba Permach Batasuneko Mahai Nazionalako koordinatzaileak nabarmendu zuen proposamen horren aurkezpenean atzo egitea. «Gaur Madrilen Kongresuan hasi da Batasunaren kontrako operazio politiko eta judiziala, tramite parlamentarioa martxan jartzen delako. Beraiek prozesu hori martxan jartzen duten une berean, guk iragarri nahi dugu datozen hiru asteetan Euskal Herrian zehar egingo dugun ekimen bat».

Permachek azpimarratu zuen Madril «gerra apustua» egiten dutela, eta Euskal Herrian ere «iraganeko planteamenduetara itzultzen» ari direla zenbait alderdi. Horren aurrean Batasuna «bakearen eta autodeterminazioaren aldeko konpromisoa indarberritzera» doa la erantsi zuen.

EKITALDIAK

Hiru ekitaldi nagusi

Maiatzak 26, igandea. Goizean ekitaldi bat egingo dute Donostiako Miramar Jauregian, eta ondoren Bulebarretik abiatuko da Forum Ibiltaria.

Ekainak 1, larunbata. Frantziako hauteskundeetarako kanpainarekin bat egingez, Baionan mitina eta ekitaldi nazionala egingo dute.

Ekainak 14, ostirala. Iruñean amaituko da Forum Ibiltaria, Anaitasuna kiroldegian egingo duten ekitaldiarekin.

Forum Ibiltaria hiru astez ibiliko da Euskal Herrian zehar, eta bira horretan *Euskal Herria eraikitzen* proposamena ezagutarazi eta gizarteratzeko asmoa dute. «Euskal Herri osoan harremanak egitera goaz eta ekitaldien bidez proposamenaren

nondik norakoak agertzera». Horrelako proposamen bat beharrezkoa dela iritzi dio Permachek, eta zergatia azaldu zuen. «Uste dugu Euskal Herrian gehiago soziala bakearen eta autodeterminazioaren alde dagoela, eta hori da guk proposamenarekin bilatzen duguna».

Forum ibiltariak helburu bikoitza izango du, Permachen hitzetan. Batetik egunero goizetan eragile sozial, sindikal eta politikoei elkartzeko dira Batasuneko kideak eta proposamenak helaraziko dizkiete. «Era berean haien ekarpenak biltze- goaz, herri honetako eragile desberdinek mahai gainean jartzen dituzten proposamenak kontutan hartuko baititugu».

Bestetik, goizeko bilerekin gain, egunero, arratsaldean herri batean ekitaldi egingo dutela adierazi zuen Batasuneko koordinatzaileak. «Arratsaldero herri desberdinetako herritarrei luzatuko diegu proposamenaren nondik norakoa era zuzenean». Forum ibiltarian Batasuneko Mahai Nazionalako kideek hartuko dute parte.